

百
名
家
詩
選

小引

魏子曰世有聞聲相思者矣思之不得則梯山航海以求之至比諸古人生不必同時而愛慕無已托諸夢寐者莫詩文之交若也予于凌玉邵先生作此想焉當凌玉之對策大廷也予始弱冠讀其制舉業卽心儀之曰固一代文人耳已丑變起全晉騷動凌玉方試宰其間誓抗孤城殲巨寇以告成功晉秩粉署士之遊長安者皆道凌玉有兼才余益心儀之迨余放舟入楚

登黃鶴之樓吊禰正平于鸚鵡洲上進觀赤壁
鏖兵處羨英雄氣色凌玉方秉文衡所遷拔皆
翩翩爾雅之材予之心儀之也益不可解矣無
何凌玉歸卧河干肆力風雅以振敝興衰爲已
任山水友朋之樂性命以之枉顧予于邯鄲大
浮白稱快不啻數十年交向欲梯山航海以求
之至此諸古人托夢寐以通者皆渙然無餘憾
矣豈非少陵所謂文章有神交有道者哉至其
詩篇富有出入于騷雅漢魏合三唐而成一家

者海內名流往往能道之顧凌玉每匿其稿作
帳中秘不欲出以示人予強之且再久之始出
所得僅萬分一耳是不足以傳凌玉而凌玉亦
可以足傳矣予又烏乎贅

百名家詩選

福清魏憲惟度輯選

秀水曹溶秋嶽龍溪李贊元素園

叅

順天張永祺爾成黃岡程啓朱念伊

鄒煥元字凌玉麓雪嵐長垣人

送別宮紫元

十年讀君書今年見君面坐此長松下芳草鬱
幽情英論薄層巔曠懷明飛練憶余垂髫時君
已南宮薦才落踳凌雲共倚匡時彥中道竟陸

沉高踪託述撰芳華思令人山川日悠緬一尊
得快游擊筑同燕旬孤桐發清音佳人成婉孌
所嗟歲序馳淒淒悲霜霰秋雨被遥岑游子懷
江縣駕言返初服海水日激濺丈夫感意氣軒
昂誠足賤故人知我心不隨風雨變含情戀佳
期終思偕歡醺

歡醺不可期別離忽遠道北風蕙草微江雁歸
胡早羈人感物候淒惻傷懷抱厭此車馬塵眷
彼林中好秋雨漚平田江鄉足粳稻獨坐理清

商嘯對海門，島遐矚萬象。中奇書肆幽，討春爾
草堂閒落杯。星石倒淮水，送鯉魚詩來。慰枯槁
伊我胡滯淫，索米徒草草。夙昔同心人，倏忽隔
涼燠。輕帆指潞河，岸岸芙蓉老。志士貴遠心，愚
者多懊惱。黃鵠有羽翼，萬里遊浩浩。慎此金石
顏，容輝當自保。

送別曹持遠比部

同是長安客，出入供司寇。我歸八年前，君歸八
年後。荒城凜歲嚴，一尊感故舊。本非逢世姿，落

落何辭詬夙昔窺家學時代綿華胄咳吐古人
風菰苑擢神秀高才反見黜長揖謝朝右匹馬
下長河賦雪梁園就春色變河橋高柳明岩岫
新人苦不知故人苦不救擁志歸吳山僕夫催
何驟臨別寄瑤華珍重此懷袖

魏雍伯招遊鹿泉諸勝

跨馬出西郊倦眼豁疎放遠景帶日斜清遊恣
玄暢秋氣下蒼崑空翠殆難狀同行得佳侶泉
石激微尚行看巖岫舒坐愛流澌漾瞻眺韓侯

祠英風颯甲仗剝蘚讀殘碑寄興忽悲壯迴望
羽人居丹棋絕壁上虛洞有雲封老樹爲之障
急雨溜層巔拔烟遵複嶂初尋驚輿奇逕轉得
平曠中有龍象藏丹碧鬱相望微步愜幽尋陰
洞何年創嵌空入杳窅白日剗光亮造化鍾靈
異神工非意匠纍纍號連珠透闢絕依傍冰雪
冷朕入披襟爲神王空亭延翠籥日暮欣軼宕
生平丘壑心對此樹嘉貺願得休糧居乘風采
漈沆

楊使君署中贈袁杜少

我坐使君屋讀君修竹篇怒螭盤空壁氣勢相
蜿蜒逶迤數十句變化如雲烟刻宿羅胸中腹
笥何便便我欲揚風雅對君感朱絃肅心窺元
化微茫慎所宣建安與黃初徽音賴以還靡靡
齊梁體嚙殺不足傳漆水挺竒傑早歲恣騰騫
驍駟騁逸步一日徧八埏行矣振北軍拔幟登
其先

走筆別程伯建

前年別城之隈今年別江之漣黃鵠高鶩野鷺
翔蒼龍畫立瘦蛟舞沙洲烟草路茫茫棕笠泥
鞋九月雨歐長卿李雲田偕子同來送別船別
船日暮芙蓉老滿酌清醑問秋吳相逢意氣感
鬚眉二子不言子更悲昨日上書不見收低頭
幕府終何爲聞君仗策向長安水落桑乾木葉
寒黃金誰薦中涓馬易水空憐壯士冠君不見
郎官湖上李白遊至今冤魄尚堪留又不見蓬
荆深沒楚王臺陰雨啾啾鬼夜哀登祝融望吳

越我欲扶筇鼓柁上八萬之天台探千年之禹
穴安能俛仰隨世網曦牛文身入廟遭羈紲

雨中同崔琳壚醉飲

黑雲垂垂壓清晝暑雨空庭來何驟崔郎騎馬
衝泥來共倚湘簾看簷溜須臾返照出其裏玳
瑁千層落盃底玄蟬咽咽露初零故鄉明月沉
秋水幾年阻隔湘衡而動如參商不相見此時
鮮綬賦歸來坐開桑落偕親串回思廿載薊門
道我輩紅顏各年少君家兄弟盛聲名我亦當

時附文藻只今零落感晨星聚散人生胡能保
楊雄著作等覆瓿屈原放逐山草蘼古人行樂
貴及時轉眼韶華驚醜老君不見青燐夜泣黃
金臺昨日騷壤今蒿萊又不見黃河新起瓠子
宮萬家城市走蛟龍眼中世事已如此更闌燭
盡角聲起君今不醉胡爲爾

中秋無月柬王勿輿

去年我在燕山北有月無酒常偏側今年我向
故鄉來有酒無月罷登臺露雲送雨晚細微颯

颯天風吹我衣張燈促席開南樓樓外蛟龍攫
月遊遙夕沉吟坐夜闌關山笛裡憶長安噫嗟
嗟怨離別滿眼愴浮雲海烟幾時滅幾時滅我
心悲人生去住各難料來歲陰晴未可知呼兒
且進酒覆我掌中卮安得王郎拔劍砍地歌開
我萬古磊落抑鬱之襟期

送韓石華北遊

崑崙東折走中流中嵩拔地亘崢嶸千年內產
韓荆州文章八代繼前修十載栽花東海甌一

日聲名動九丘華胄遙遙盛箕裘中有長公聲
最優身長七尺髯且修五嶽方寸罕其儔萬卷
胸羅恣冥搜元精滾滾開雙眸一朝晤我河之
洲五月招提醉石榴拔劍砍地勢更邁典酣落
紙如琳球杵日論交意氣稠却憶當年淮水舟
君家大阮共登樓群盜如毛羅百憂前有黃狐
後鵠鷗聞雞中夜誓同仇白日西匿不可求良
朋一散二十秋與君相對倍綢繆高城落日酒
無籌平原遂作十日留漫漶一刺向誰投彈鋏

歸來仗蒯緱匣中風雨吼蒼虬悲歌起舞響箜篌
筵聞君明日京洛遊黃金高築碣石幽左攜騶
褭右驂騑珊瑚連錢飭絡頭伯樂一顧中涓收
臨行送子勸吟隄胡以贈之雙吳鉤鴈鶩光寒
星漢伴薊門八月風颼颼赤霄萬里縱樊猶孔
翠豈同燕雀謀咄嗟世路又何尤我今投老事
枵腹綠疇南陌聽呼鳩他年過子動鳴騶好訪
青門問故侯

留別張及庵

歲在丁酉月當五與君邂逅晴川浦麻衣執手
淚縱橫憔悴江邊相勞苦是年九月我東歸萬
里飄搖嗟委羽蓬根淪落又三秋白雲濁水何
由覩昨朝跨馬衛河濱聞爾建節來東魯殷朕
感舊賦東征糾喙柴荆尋賃廡故人喜我遠方
來滾湯濯我面上土擊鮮買酒情何深清歌妙
舞出名部南船昨夜送旗槍磁甌致我味何溲
一滯荒城遂浹旬感心撫事淚如縷共是長安
省署人君直銅龍我金虎許身自比稷契班致

主羞補絳灌伍一朝奉使出春明我司文衡君
典午聯鑣出入武昌城左攜黃鵠右鸚鵡報國
唯將竒士收庶心謬持郢人斧豈料腐儒逢世
難長袖無能學善舞掉頭不顧時輩憐掣肘動
遭上官忤三言投杼我辭官飢走湘江采宿莽
傳會獄成戈復攢此身久已付几俎聖代求言
閭闔聞小臣不死緣明主此時子問粵西船
歲晚停橈三日語同時好友方與張吉獨岫
公也椒
盤初薦批麟脯狂歌大叫成四人一洗塵俗凌

萬古子入蒼梧我適荆聚散人生難具數仕宦
不達婚嫁多空山日暮愁秋雨葛巾誰解問陶
潛長饒只合老杜甫有詩不敢向人談疎狂恐
遭時賢怒以此百爲不厭意幽居著書門常杜
唯君海內重膠漆衆中顧我出肺腑相逢無改
舊鬚科五倫之缺猶可補麥秋五月我當歸明
日騎驢向何許苦語沾唇歌復哀暑星在廬月
在戶抑鬱阨塞者誰人壺中酒盡君當取

贈盧子

暑雨鏗鎔衝河旬客子穠穠遊將倦我友招尋
邵侍御倉卒遂識盧生面盧生蚤歲蜚英聲棧
戶下帷破萬卷我父東國舊掄才摸索幾擬雄
文薦清宵剪燭竟何人感士不遇空戀戀一朝
進士有七人明珪美璧咸國珍中有邵子更絕
倫自言與君情最親高論時時迴天地哀歌往
往動鬼神論文未擬等覆瓿撫事只應嘆積新
今年我向濟州來把臂深惜國士才纔言古道
荷先動卽論惟事心誠哀千年重覩玄都觀百

里猶傳單父臺二十年中堪回首悲歌幾醉任
城酒文章遇合君能致富貴自分余何有杜甫
池邊柳色青太白樓頭月如斗浩歌仰視浮雲
白相對無辭杯在手盧生盧生真堪友

侄山高爲李青立作李子舊黎侯仲子也

侄山高高入雲上有松杉下榆枌千年老鶴巢
其巔日夕引子悲鳴聞悲鳴何所道似屬憶使
君使君七載牧黎陽爬梳已遍玄髮蒼千村鼓
靜烽烟息百雉城成帶礪長倉卒南渡日高牙

振軍壘漢業想諸葛未捷身先死今年作客薊
門秋邂逅逢君國士流傳家已識張安世生子
當如孫仲謀見君面聽君辭使君儀容如見之
汝南舊有先賢傳楚國重賡廉吏詩相贈復何
言相看又別離漢北與漳南各自慰心期帝城
歲暮嚴霜起我亦還山下衛水道出黎陽告故
人我見使君第二子

聯登晴川閣

傑閣初登眺千牀入杳冥水吞三面白山截兩

峯青地圻連吳楚潮迴辨日星憑闌指點一
棹下烟汀

將赴湖南晚渡漢江

一草江烟破迴流指郡西汀花隨岸小漁火帶
星低水氣雜霜露客心落鼓聲坐看王會遠萬
里下雕題

不倦

不倦登臨目朝朝漢水流病深三月雨花滿一
年秋身世江船小人烟野鷺稠隔城聞楚調思

婦正含愁

襄陽詠古

太傅高名在登臨古郡過三分餘涕淚百戰老
山河碑湧寒潮逝帶畱芳草多勞人深駐馬日
暮一悲歌

襄中晚行

暝色下疎林蒼茫動客心孤烟古驛迴落日遠
江深路仄迎山鬼潮喧惟水禽紫陽如可遇真
欲棄華簪

荆門舟夜

人高明野電夜靜倚官舟
蟾火荆門接霜星楚岸
洲山河留霸氣詞賦待名流
寥落千年事蕭蕭蘆葉秋

裴臣見過

江漢客無定鄂城掉屢回
病因秋色起窮得故人來
野服舉蘿薜悲歌辨瓦雷
尊前黃葉句蕭瑟待君裁

夏人叔從禹峯先生爲湖南之遊

之子湖南去扁舟意若何白雲衡嶽滿青苔洞
庭多幕府裁饒曲遷人依棹歌只愁楊子宅蚤
暮少經過

草檄真能事從軍亦壯遊兄逢漢陸賈同註晉
陽秋雨幔臨湘浦風帆近岳樓賴君傳古蹟賦
壓楚江頭

送姜鐵夫南歸

白首家無定青山爾又歸京華詞客賤秋雨故
人稀鐘動催霜葉潮平載夕暉鑑湖烟月好爲

我選漁磯

申鳧盟見訪

自柱高人駕悠狀
滯旅情狂真疎禮法老益厭
詩名萬樹霜前色連砧苑外聲鄉心劇歲晚遲
我碧山耕

訪趙錦帆于報國寺解官南歸悵狀有懷
白首官仍謫黃河客竟還春明無故舊秋色冷
鄉關葉落松房定風吹海月閒蘇門歸倘遂同
釣碧溪灣

王子陶見過

委巷無車馬高軒爾特來情深邀月去坐久索
詩回社稷更新主風烟起暮臺當時郎署侶
頭白正堪哀

時康熙改元

王雪洲南歸

有懷王給事別我下京河暫釋移薪痛休吟種
豆歌鄉心辭苑柳吾道問江沱一放還 明主
孤臣涕淚多

故城舟夜

野泊風帆定空舟夜氣遙暮烟沉古寺孤月湧
新潮鴨鵝鳴何急黿鼉夢不驕荒墩吹畫角東
國正蕭條

送長益南還

江湖君又去京洛少知音故里三年約扁舟五
月心危途淹老驥暮雨帶孤琴歸到金焦日秋
山夢已深

晤張海旭

尚記南奔日艱危借一舟孤帆淮浦月百戰島

門秋身世還青眼山河竟白頭草堂尊酒在萬里
懣離憂

酬侯餘古

愛爾藏書屋觴開薄暮天花移春襖後峯墮酒
壚前禮法狂難設詩篇老不傳再來秋更約定
鼓渡河船

寄遯山子

別後俱多難歸來獨可憐興吟吳苑草淚盡郢
門烟萬事還鄉井孤身歷歲年白頭新賦草零

落竟誰傳

半千中秋雨後見月

一片驚城月驚看雨後懸
光寒淅水外影靜戍樓前
短髯秋堪數羈心晚自憐
他鄉感節候曾記幾回圓

贈彭禹峯先生

揚舲五月下蠻方
醉踏江樓草色長
公子椒蘭新七澤
將軍裘帶舊三湘
君從絳幄論前輩
我向青雲認父行
萬里長纓須蚤繫
漢家將相本

南陽

江上逢黃坤五太史

白髮承明舊侍臣
天涯淪落晚堪親
篋中歲月存詩史
世外江湖有釣緡
往事傷心辭洛日
他鄉垂老避秦人
聞元朝士君仍在
聽到宮詞淚滿巾

池州贈周伯衡

高帆昨夜過池陽
感慨尊前楓葉黃
朝論尚惜違瑣闥
主恩今許返湘鄉
秋驚畫角嚴關靜

夢怯雕弧險路長
便與盡情十日飲
升沈萬里各蒼茫

贈大司馬河使朱公梅麓

詞臣入座下明宮
水土兼傳仗鉞功
遂使黃龍歸故道
不教白馬怨秋風
艤艫歲月春流外
羽獵山川輦路中
啓沃願參還省閣
車書萬里正朝東

貴池舟中遇顏乃來太守赴荊州兵使

高城雲水隱汀洲
太守船回卜夜遊
畫舫移尊

天上坐青山歸夢雨中愁嚴關晝壓孫權壘古
堞晴生蕭統樓望裏八州防禦遠早傳清嘯滿
江頭

送嚴顥亭都諫還餘杭

高粱柳色轉斜暉潞水楊舲花片飛寸草青回
遊子去方舟春送侍臣歸西京諫草尊劉向南
國才名憶陸機大滌閒雲難久卧少年天子
正宵衣

赴東壑遙望五龍雪色

徑行初日千峯上俯瞰蒼烟一郡西朔塞天連
三晉陰晴空雪壓五龍低山腰拾級樵爭入樹
杪盤雲鳥亂啼萬壑鄉園吾獨往嶺猿溪月待
幽棲

巳亥九日

搖落空亭菊白花東籬斗酒尚堪賒百年雙鬢
秋方暮四海重陽客在家漠漠山城催落葉陰
陰江雨送鳴笳干戈南北無消息悵望高天獨
雁斜

贈李將軍戍楚

鐵衣十載臨戎日尚憶閭城轉戰功射虎未聞
封李廣雕蟲猶復困楊雄千群代馬悲笳裏獨
戍江湖險塞中氛祲扶桑憂不細捷書蚤寄楚
大鴻

王勿輿以近詩見貽卽有禹州之遊作此
奉送兼致懷兵使沈繹堂

開門盡目補銅蘿竹塋逢昔有嘯歌一卷詩纔
傳白雪三春客又渡黃河風歸禹甸山川麗路

入梁園詞賦多，好問故人東。郡長樓中八詠定，
如何

昭李梅臣時以病持戒

卜鄰猶喜近鄉關，十載浮雲故國顏。放後幾人
無白髮，歸來此地有青山。高城夜雨薜蘿隱，獨
樹閒門烏雀還。見說長齋能事佛，維摩丈室許
誰攀。

送張爾成赴召

出使十年今赴召，班行應睹漢儀新。名高館

閣推前輩國有安危屬大臣飛輓山河迴驛騎
嚴裝衣履上星辰鳳凰臺側麒麟閣還讓螭頭
第二人

盧溝

盧溝橋下水盧溝橋上月水月無斷流遊人遊
不歇

楊白花

二月楊花青三月楊花白不見遠行人飛入遠
行陌

銅雀臺

漳水橋邊路銅臺日暮雲至今魏武帝誰說漢
將軍

雨中再寄伯衡

異國風烟日孤舟雨雪心獨憐今夜客別恨與
江深

不見秋浦城但見秋浦樹蒼茫烟雨中念爾齊
山句

學岡

地廻岡仍抱春深雁自廻我來瞻遺廟又見杏
花開

示裴臣

春雨茅堂長綠苔閉門閒看碧桃開雲亭寂寞
無人問只有候芭日日來

送劉毅公遊襄陽

漫將詩句動江關春草王孫尚未還便欲躬耕
何地是張君好問鹿門山

春山獨客使人愁楊柳青青送客舟我已無家

難作賦君行莫上仲宣樓

楚客曾聞續大招
郢城南去水蕭蕭
只今宋玉墳邊月
猶照行人渡板橋

送王大愚南還

斷壘寒州古孟津
羨君此去有垂綸
桃花野水三千尺
流到宣房問故人

送夏人叔之德安

白兆山南小豫章
桃花遙帶嶺雲長
行邊莫便悲供奉
自古人間有夜郎

漢陽中秋

秋山雨過露華寒
讀罷莊周夢欲闌
可惜故園今夜月
年來都向異鄉看

寄雲田

腸斷西風感別離
楚門道左驅車時
信陵門下如雲客
不是侯生那得知

秋風葉落洞庭山
更置長沙去未還
自是文章能側目
莫令芳草到人間

寄伯建

江船無日不鳴笳
辜負楊州幾樹花
匹馬黃河歸路遠
北風吹夢到長沙

李生跋扈夏生哀
此世何人解愛才
記得榜前燒燭地
武昌城上聽鍾來

送尹輯五中貴

汝從幾載侍先皇
供奉猶聞說尚方
苦向開元訊舊事
白頭朝士淚沾裳

薜荔牆東隱敝廬
科頭應不愛高車
長門休問千金賦
近日相如少著書

過順德有懷滄溟先生

中原二子盛當時歷下文章晚更奇識得峨嵋
天半意黃榆高處自題詩

領袖宗徐氣尚驕秋生郡閣雁蕭蕭文章未老
山河在詞客英靈正可招

小引

魏子曰綠厓先生閩興才也著作日新絕無一字蹈襲古人與余忘年分交叅藩江南時以藁山堂詩屬訂正業已序之矣辛亥過太倉訪梅邨吳司成出先生詩共欣賞爲擊節稱快曰此三百年來一人因移書先生云讀藁山全集奇思妙句絡繹奔會于尺幅之中使人應接不暇七言長歌落想不凡峨眉天半太華削成無以踰其超特夫梅邨牛耳東南經品題者不啻球

琳琅琰登諸廊廟其傾倒先生至此區區小子
又何足以贊高深乎但念予少負不羈人爭欲
殺先生獨青眼有加逢人項說近持節牂牁相
別四千餘里以山川所歷形諸咏歎者不下數
千篇偕撫軍曹先生澹餘集緘示勤勤愧愧欲
余買艇湘江晤撫軍于石門銅鼓間以大著其
千秋之業余以石倉之役與心一孔觀察論定
未卽果行因口誦萊山數詩與觀察聽之觀察
且躍然喜曰余之志恹邨之志也先以補諸石

余後續其所未竟焉可也

百名家詩選

福清魏憲惟度輯選

鄞縣史大成立菴山陽陳台孫階六

叅

宛平田種玉遜菴甌寧謝銓膚公

陳寶鑰字大來號綠厓晉江人

松門坐月

新月欲附松松高出月上展轉窺客顏徘徊關
山障安得與雲心長此抱月颺悠然萬濤來人
月兩惆悵

初春游牛首山

有峯齊入天角立爲雙闕此山王吳盟登眺殊
足樂古寺聚峯腰垣蔽如城郭紆斜人徑通半
空寫丹艘跼踖世上觀不覺心目廓地能慧佛
心梵語自天落苔深洞不知嵐幽每入閣佛子
若可爲捨身何足愕有身如可捨何畏鬼蛇攫
登峯一嘯號視下皆毫末四顧天地寬萬頃睨
中白可知生死大何論富貴薄牛首雖宜春春
蚤游不錯當此春冬際日月照虛壑景態無窮

期莫言駕力弱遊興如禪心何必太粘着

垂影塔

古塔掛峯腰聳出峯頭上隨樹入幽房塔垂樹
則仰此理究不明終古費人想天地如棋盤日
月如運掌物齊則觀同橫斜兩不爽辟彼印間
文字轉而成象辟彼鏡中窩窩心必懸額兩曜
作是觀返照則迴明室虛白常明閉目能拈蠶
掛角於壁中形落在深決此理自然照古人徒
影響

觀音洞

一燈明法處萬佛到此場所
以三石洞沸然如
蝸房有住便有身有身便存亡如聲之與影無
觸不歸荒聲盡響不遏形落影猶煌古洞音容
在曠觀世無方日月照不到古燈長夜光天地
留斯隙以啟慧肝腸萬佛歸于圓普陀即南陽
三洞不異旨無住見佛王

妾薄命

妾心一何苦妾曾適楚不相取愛妾憐妾才有

才亦執近于賈愛妾憐妾顏古來顏色盡塵土
不如歸來學心空却將妾心對佛譜佛言有婿
如阿難汝但摩登作咒語不然且伴老香山兜
率天中作天姥此語未許俗人知說與松聲鳥
語當簫鼓

二月花朝步朝天宮爲老子昇旦道士咸
裳服奏樂歡而志感

二月之中花初育乍雨洗花如新沐步入冶城
樂沸來羽流悅聖薰天視此城爲宮始何年學

仙亦如礪劍然火無百煉不成劍道無萬劫不
成仙磨得仙骨同劍利古來劍俠仙家戲不貴
虛無道自來矯誣之君仙不至神仙之至非一
道邈邈飄洒長春老冷謙竟向瓶中呼爛頭作
事亦潦倒嘉隆以後無仙蹟却咎氣運與地脉
譬如冶寒劍不成世無仙學何自獲只今劍花
仙何歸朝天宮宇依然巍笙鶴不知鳴夜月黃
冠猶着舊裳衣

芙蓉閣

白鳥銜花後芙蓉尙拂霄峯雲藏古拙檻色幻
烟消頑石如能語仙槎亦不遙憑虛窮目處自
覺此身飄

小星槎

靡望雲無際天浮百丈槎
碁羅星蕩樣馬逐岫
橫斜空澗惟涵氣虛靈欲諦花
簪紳自未脫驕
語羨僧家

雨花臺

臺僅幔天裏有亭必礙觀
四山來聚寶一市繞

長干屐記前朝勝杯團半日歡名遊如好友相
對總盤桓

寄石谿

破劫銷塵火不宜心存累盡可無疑
崑頭雪凍寒山色石眼風吟拾得詩
佛子成圖堪折骨名言強解儘支離
迴思點點前語好似中峯日到時

燕道中再和李素園少叅及施子沱伯林
子康石燕懷原韻

行行不計露霜分何日迢遙學漆園伏軾三年
留舌在登車萬事把鬚捫流紅忽見星當面曙
白仍將月出門陌路相逢無爾我往來只有馬
蹄喧

地別燕齊氣自同每懷壯志角雄風當年不調
龍顏喜此日何能虎穴空爛額都充座上客先
言曾念徙薪翁于今只看河間道驛馬降書
奏未窮

寄訊蘓念溪郡丞時旅豫章

別君乍見鶯初友回馬今逢鴈驟賓漫道江湖
能阻我安知夢寐不通津已回震澤風頭浪誰
現峨嵋雪後身歸到西齋來鳳處煩將郡史築
亭新

初遊報恩寺

何須覓勝向深山近郭招提便往還
匝翠龍陰鋪貝葉飛丹鴈閣照金顏
浮光現魄千頭紫拾級凌空一點斑
兵燹于今翻劫後頻遊那得此身閒

遊天界寺

地最虛靈養佛心
招提五百有誰林
山猿久落前朝諦
野鹿無眠古樹陰
堦草釀香留客履
巖花含慧繞人襟
問君好事何來暮
勿厭峰頭日色侵

日斜再訪佛王居
已見禪堂晚課魚
羅漢廊無通履跡
毘盧閣但鎖雲餘
璇宮問路傍花入
繞陌逢人帶酒鋤
好景都從忙裏過
清明錯過恐春虛

再遊天界寺登毘盧閣

寺興漸奢更續遊穿松入徑竹林幽久無上閣
藏蒼鼠偶爾凭欄聽午鳩不覺千山窺四面但
移一碧入雙眸何能到此消殘夢總任斜陽付
夕收

尋春又到大羅天老徑苔深不計年人借名山
空姓字佛留書閣鎖雲烟牆頭夕岫堆紅髻檻
外風苗繞翠蘊走馬看山山亦厭好辭婚宦間
高禪

石谿云武陵桃源舊境蕩然無跡矣爲之

紀感

桃源在人境孰謂可避秦秦人搜未及從古有
逃民何云秦網峻且密依附山林多不出三戶
安知非武陵秦皇偏墮楚人術桃源既有逸丁
夫二酉亦藏舊典謨雄杰生心雲夢澤楚實多
智秦非愚吁嗟乎赤蛇之精出豐沛赤松之仙
在留會桃源豈無仙劍術不見從龍除秦害乃
知彭澤實寓言後無問津見其槩門君不見今

日桃源非昔年樹童石齒寂人煙洞口泥丸滿
地鋪神仙不見民亦逋漁父子漁父子不尋源
于盛漢之始無傳奇于晉魏之紀未必秦虐而
漢美

送魏惟度同吳星若西湖結夏步于皇韻
非厭金陵久陡然促越裝遊心無遠近客意有
炎涼湖洗懷同翠峯飛何與若兩人尋樂事自
是大文章

送客難爲客輕風一櫓裝湖光雖欲艷眼界正

宜涼橋月留人照夏峯從古蒼雙攜遊屐勝塗
抹總成章

趙雪餘贈別先往丹霞次韻

一詞楊柳兩情生人去丹霞送我行心醉紅塵
千里渴夢馨玉液一卮清題橋草聖雲飛手賦
海詩狂汝怒聲總是牛騷姑遠去曠遊勝把石
田耕

一路溪山積漱烟入雲沾酒問長年臥聽兩岸
黃鸝話醉步孤村自犢眠鯨室無波堪吊古芳

壺有路莫求仙才名似子何須藉曳裾侯門步
不前

留別魏惟度步來韻

年來夢亦與君遊念我輕裝出鸞洲江上離情
波蕩漾馬頭敲句步遲留青絲帶繫愁牽柳碧
玉簪懸夢入青銅鼓原非天外景也客客履到
山頭

留別吳星若次韻

羨爾鷗心到處遊時時寄跡遍芳洲夕陽老我

千山落秋雨隨君一劍留家別西山無斷夢跡
浮南海有虛舟煩君贈句弁篇首好附名山藏
石頭

金潛五以詩贈行步謝之

誰不才名讓少年况同覲面誦瑤篇逢君一嘯
青峰外醉我千邨落日邊晉草吳花空繞夢滇
風黔雨別爲天雙魚不盡牽衣話好付江頭買
水錢

魏惟度同華亭周廣庵秀水王安節海陵

黃月天集陶陶亭觀余所著春秋管窺
并藏書有賦步答

掬水發君興亦酣朋來不速盡東南驚醒碧草
空堦夢喚到黃鶯隔樹談禪意詩腸同一一棋
枰酒令任三三樽前有酒君須醉蕭寺夕陽路
不堪

酒淡陰濃半未酣逝言薄暮出城南斜陽不閉
青山路夕鳥頻催滿座談龍鶴嘗思高喚九峽
猿不覺墮聲三歸來獨掃蘿天月招上祖堂懶

未堪

隔塘覆蓋已陰酣尚有餘寒雨自南看字龍蛇
飛欲舞披圖山水細如談園林樂事須君五風
月同人待我三有約錢塘猶滯此宦情友誼兩
難堪

當年落筆興沈酣不讓痴心鄭所南贅立庚寅
窺豹旨焚餘甲子付鷄談荷心欲斷穿絲百竹
節長鳴得籟三看看年年成底事自憐老馬策
難堪

留別李子玉時積雨乍晴夕陽挂樹同集

魏惟度樓頭次韻

崑崙李子肅如秋家在南郊積翠浮夕照窺人
紅入座東風到樹碧侵樓快談寒谷乍生暖高
肅懸河忽轉流賒出重雲今夜月辭君欲去但
搔頭

巫山高

巫山高峰頭十二真是我楚王之魂不憚遠乃
赴高堂起夢潯試問神女何姓名笑而不答若

有情巫山朝朝暮暮雨遂令楚王神不寧叶但
恐良緣不偶奇遇難成赤甲爲之關白帝爲之
營鐵牛鏢斷其精英遂令宋玉之徒招魂水渚
以瞿塘爲相思之城

妾薄命

妾薄命命薄于秋雲生具窈窕質寵愛蚤期君
君王非不愛溫存百其態宮中多蛾眉讒口日
以喙初時尚不疑漸而見其槩念來正芳年三
十遂遣退妾曾習詩書寧敢以色瀟當熊何其

猛君側不蚤除妾貌卽花枝芳菲能幾時得序
者自進失勢枉圖維長門不復見但自掩秋扇
恐令君王知一召羞人面

秋胡行

取妾纔三月出門遠仕陳三月相識面夢寐自
相親胡爲五載歸視爲陌路人儂雖不識歡歡
合審笑嚬兩兩不相辨寧獨儂可嗤安知聊試
子原非我國新此意未旣質入門大義申桑間
尚如此睢水豈無瑱男兒有疑行苦口何所伸

誰知貞烈性一死以自殉石尤至今惡遂名姤
婦津願言魯男子長此守家貧

琵琶行

妾辭君王出昭陽君王恐妾路悲傷盛選樂工
馬上將琵琶哀怨聲尤長彈工不解妾心腸下
馬取來自鏗鏘塞馬聞之亦迴翔一時從人盡
思鄉誰將妾心達君王君王宮裏天一方況今
妾身在疆場此曲本是彼中良單于知音喜欲
狂馬前相慰仔細商獻爾闕氏瓔珞粧勝在漢

宮下陣行一時攜手入京房
強開笑語暫相忘

京口卽事

秋聲瑟瑟捲風沙
巨浸殘村有幾家
鷺立莎洲
雙點白豚吹水面
一江花鵲頭倚棹人長嘯
牛渚凌波佩自遐
極眺無堪頻注目
落紅倒挂半天斜

遠際吁嚶作泊聲
心忙路隔暫舟停
荻蘆有火知漁聚
星漢無邊見岸平
水淨沙洲栖倦雁
煙深草屋宿流螢
無端攪斷三更夢
日色漸高古

潤城

白鸚鵡自海澄公署中見之

朱寒偏耐雪爲裘頭插葵花一朶秋噴作霓人
花舞片歡同羽士髻爲琉維摩舌本音難譯蒼
韻書中跡不猶一白沱洹初貢後白毛黃耆總
難求

雅禽原以白爲珍雄者旣來鵬自臻質雪寧疑
偏如雪畏人未免且依人闌干立遍頻呼侶黃
白渾成肯著塵物入中州孤潔貴西方定不好

麒麟

紅鸚鵡

同來選就改粧新多買臙脂染作神慧性寧專
言艷耳紅顏白以色媚人娥眉不讓入宮寵絳
袖偏工掩袂嚶會記當年袁謝賦標題每許獨
能真

結伴乘槎海外來一從中土便相猜非貪繡戶
爭雙倚却恨朱顏忍自理晨轉孤生青草夢鞦韆
鬢獨打石榴開只今隻影深藏後枉費鴈心展

驚才

陳綠匪

七

七

七